

四庫全書薈要

• 乾隆御覽本

史部

欽定四庫全書薈要

史部

十六國春秋卷二十七

九至

十六國春秋卷二十七

前燕錄五

慕容儁下

元璽二年春二月庚子立妻可足渾氏為皇后世子暉  
為皇太子皆自龍城遷於薊宮初石虎使人探策於華  
山得玉版文曰歲在申酉不絕如綫歲在壬子真人乃  
見及此燕人咸以儁之應也羣下言大燕受命上承先

一作紀黑精之君運歷傳屬代金行之後宜行夏之時

服周之冕旗幟尚黑牲牡尚玄從之其隨行文武諸藩使人及登號之日者悉增位三級派河之師守鄴之軍下及戰士賞賜各有差臨陣戰亡者將士加贈二等士卒復其子孫殿中舊人隨才擢叙晉寧朔將軍榮胡以彭城魯郡叛降於僞趙故衛尉常山李續聚衆數千反於普壁壘僞遣衛將軍恪率衆討降之遂東擊呂護於魯口三月拔之護遁走遣前將軍悅綰追及於野王護



使弟奉表請降乃以護為河內太守故趙樂陵朱禰平  
原杜能清河丁嬈陽平孫原各擁兵分據城邑至是皆  
來請降偽以禰為青州刺史能為平原太守嬈為立節  
將軍原一作元為兗州刺史各畱撫其營冬十二月衛將  
軍恪撫軍將軍軍左將軍彪一作彭等屢薦給事黃門侍  
郎霸有命世之才宜總大任遂以霸為使持節安東將  
軍北冀州刺史鎮常山是年偽遣使聘魏

元璽三年春二月姚襄遣使來降偽以評為鎮南將軍

都督秦雍益梁江揚荆徐兗豫十州河南諸軍事鎮洛  
水疆為前鋒都督荆徐二州緣淮諸軍事進據河南夏  
四月戊申封撫軍將軍軍為襄陽王左將軍彪

一作為彪

武昌王衛將軍恪為大司馬侍中大都督錄尚書封太

原王鎮南將軍評為司徒驃騎將軍封上庸王安東將

軍霸為吳王左賢王友為范陽王前鋒都督疆為洛陽

王散騎常侍厲為下邳王散騎常侍宜為廬江王寧北

將軍度為樂浪王又封弟桓為宜都王遂

一作速為臨賀

王徽為河間王龍為歷陽王納為北海王秀為蘭陵王  
獄為安豐王德為梁公默為始安公儻為南康公又封  
子臧一作咸為樂安王亮為渤海王溫為帶方王涉為漁

陽王曄為中山王以尚書令陽騫為司空仍守尚書令  
命冀州刺史吳王霸徙治信都更名曰垂尋遷侍中錄  
留臺事鎮龍城大得東北之和儻忌之復召垂還秋七  
月丙戌儻大調兵衆因發詔之日遂號曰丙戌舉九月  
儻如龍城是年魏昭成帝遣使報聘於燕

元璽四年夏四月僞自和龍還薊城先是幽冀之人以  
僞為東遷互相驚擾所在屯結羣下請討之僞曰羣小  
以朕東巡故相聚為亂耳今朕既至尋當自定不足討  
也然不虞之備亦不可以不為於是令內外戒嚴五月  
秦河內太守王會黎陽太守韓高以郡來降晉蘭陵太  
守孫黑濟北太守高柱建興太守高寔各以郡叛降於  
僞初僞車騎將軍范陽公劉寧屯據薊城降於苻氏至  
此率戶二千詣薊歸罪僞赦之仍拜後將軍僞給事黃

門侍郎申肩上言曰夫名尊禮重先王之制冠冕之式  
代或不同漢以蕭曹之功有殊羣辟故履劍上殿入朝  
不趨世無其功則禮宜闕至於東宮體此為儀魏晉因  
循制不納為今皇嗣過謙準同百僚禮卑逼下有違朝  
式太子有統天之重而與諸王齊冠遠遊非所以辨章  
貴賤也祭享朝慶禮宜正服衮衣九文冠冕九旒又仲  
冬長至太陰數終黃鍾產氣綿微於下此月閉關息旅  
后不省方禮記曰是月也事欲靜君子齊戒去聲色惟

周官有天子之南郊從八能之說或以有事至靈非朝  
享之節故有樂作之禮王者慎微禮從其重前來二至  
闕鼓不宜有設今之鏗鐃蓋以常儀二至之禮事殊餘  
節猥動金聲驚越神氣施之宣養寔為未盡又朝服雖  
是古禮絳構始於秦漢迄於今代遂相仍準朔望正旦  
乃具衮舄禮諸侯旅見天子不得終事者三雨沾服失  
容其在一焉今或朝日天雨未有定儀禮貴適時不在  
過恭近以地濕不得納舄而以衮襪改履案稱朝服所

以服之而朝一體之間上下二制或廢或存實乖禮意  
大燕受命倅蹤虞夏諸所施行宜損益定之以為皇代  
永制傳曰履劍不趨下太常叅議太子服衮冕冠九旒  
超級逼上未可行也冠服何容一施一廢皆可詳定復  
下書曰周禮冠冕體制君臣畧同中世以來亦無常體  
今特制燕平上冠悉賜廷尉以下使瞻冠思事刑斷詳  
平諸公冠悉顏褻屈竹錦纏作公字以代梁處施之金  
瑱令僕尚書置瑱而已中秘監令別施珠瑱庶能敬慎

威儀示民軌則冬十一月段蘭之子龕初因冉閔之亂擁衆東屯廣固自號齊王稱藩於晉襲僞將榮國於郎山敗之因遣僞書抗中表之儀非僞稱帝僞覽之甚怒遣太原王恪為征討大都督撫軍將軍陽騫為副以討之僞以龕方強盛謂恪曰若龕遣軍拒河不得渡者可直取呂護而還恪分遣諸軍先至河上具舟楫以觀龕志趣龕弟羅驍勇有智謀言於龕曰慕容恪善用兵加其衆旅既盛恐不可抗也若聽其濟河頓兵城下雖復



乞降恐終不聽王但固守羆請帥精銳拒之於河幸而  
戰捷王可率大衆馳來追擊使虜足馬無返若其不捷  
遽請出降猶不失為千戶侯也龕不從羆固請不已龕  
怒殺之十二月高句驪王釗遣使詣僞納質修貢以請  
其母許之遣殿中將軍刁龕送釗母周氏歸國釗復遣  
使謝恩貢其方物以釗為錄營諸軍事征東大將軍營  
州刺史封樂浪公王如故

元璽五年春正月恪引兵濟河未至廣固二百餘里段

龕率衆三萬來拒丙戌遇於淄水之南與戰大敗之遂  
執其弟欽斬右長史袁範等龕友辟閭蔚被創恪聞其  
賢遣人求之蔚已歿士卒降者數千人龕脫走還城固  
守恪遂進圍之二月恪招撫段龕諸城己丑龕所署徐  
州刺史陽郡一作都公王騰及索頭單于薛雲舉衆來降  
恪命騰以故職還屯陽郡夏五月以尚書左丞鞠殷為  
東萊太守章武太守鮮于亮為齊郡太守秋七月丙子  
太子曄卒偽諡獻懷冬十月恪圍龕於廣固先是諸將

勸恪宜急攻之恪曰用兵之道有宜緩以克敵有宜急而取之若彼我勢均外有強援慮腹背之患者須急攻之以速大利如我強彼弱無援於外力足制之者當羈縻守之以待其斃兵法十圍五攻正謂此也龔恩結賊黨衆未離心濟南之戰非不銳也但龔用之無術以致敗耳今憑阻天險上下戮力攻守勢倍軍之常法若其促攻不過數旬克之必矣但恐傷吾士衆自有事中外兵不暫息吾每念之不覺忘寢奈何輕殘民命乎當持

久以取之不必求功之速也諸將皆曰非所及也軍中  
聞之人人咸悅於是築室反耕嚴固圍壘齊民爭運糧  
以餽燕軍龔嬰城自固樵採路絕城中人相食龔悉衆  
出戰恪破之於圍裏先分騎屯諸門龔身自衝濫謹而  
得入

一作出

餘兵皆沒城中喪氣莫有固志乃遣其屬段

蘊詣晉請救晉遣北中郎將荀羨將兵隨蘊救之次於

琅邪憚恪之強遷延不進會陽郡公王騰寇鄆城

一作鄆城

羨遂襲攻陽郡霖雨城壞騰為羨所獲殺之十一月丙

子恪克廣固龕而縛出降并執朱禿送薊恪撫安新民  
遂定齊地以龕為伏順將軍徙鮮卑胡羯三千餘戶於  
薊畱鎮南將軍塵鎮廣固恪因振旅而還荀羨聞龕已  
敗退還下邳畱太山太守諸葛攸高平太守劉莊將三  
千人守琅邪叅軍譙國戴逵等將二千人守太山燕守  
將慕容蘭屯汴城羨進擊之斬蘭而去十二月偽遣行  
人請婚於魏許之

光壽元年春正月偽徵幽州刺史乙逸為左光祿大夫

時晉升平元年也二月癸丑復立次子中山王晞為太子大赦境內殊死已下改元光壽夏五月戊寅雋遣撫軍將軍垂中軍將軍虔與護軍將軍平熙等率步騎八萬討丁零敕勒於塞北大破之俘斬十餘萬級獲馬十三萬疋牛羊億餘萬是月遣使奉納禮幣於魏六月雋殺段龕坑其徒三千餘人匈奴單于賀賴頭率部落三萬五千口來降雋拜為寧西將軍雲中郡公處之代郡平舒城冬十月晉太山太守諸葛攸來攻東郡入武陽

僞遣大司馬恪統司空陽騫及樂安王臧率兵拒之晉  
師敗績攸走還太山北中郎將謝萬時據梁宋懼而遁  
走恪遂進兵渡河略地河南汝潁譙沛皆陷分置守宰  
而還進據上黨冠軍將軍河內太守馮騫以衆叛歸於  
僞盡陷河北之地冬十一月癸酉自薊徙都於鄴十二  
月乙巳僞入鄴宮大赦境內殊死已下繕修宮殿復作  
銅雀臺廷尉常煇上言大燕雖革命創制至於朝廷銓  
謨亦多因循魏晉惟祖父不殮葬者獨不聽官身清朝

斯誠王教之首不刊之式然禮貴適時世或損益是以  
高祖制三章之法秦人安之自頃中州喪亂遭兵積年  
或遇傾城之敗覆軍之禍坑師沉卒往往而然孤孫胤  
子十室而九兼三方岳峙父子異邦存亡吉凶杳成天  
外或便假一時或依羸博之制孝子縻身無補順孫心  
喪靡及雖招魂虛葬以申一作敘罔極之情又禮無招葬  
之文令不此載若斯之流抱琅玕而無申懷英才而不  
齒誠可痛也恐非明揚側陋務盡時珍之道吳起二陳



之儔終將無所展其才幹漢祖何由免於平城之圍郅  
支之首何以懸於漢闕謹按戊辰詔書蕩清瑕穢與天

下更始以明惟新之慶五六年間尋相遠伐則天之體

臣竊未安儁曰煇宿德碩儒練明刑法覽其所陳良足

錄也今六合未寧喪亂未已又正當搜奇拔異之秋未

可才行兼舉且除此條聽大同

一作衆

更議使昌黎遼東

二郡營起鹿廟范陽燕郡構孰廟以護軍平熙領將作

大匠監造二廟秦苻堅平州刺史劉特率戶五千來降

河間李黑聚衆千餘攻略州郡殺棗彊令衛顏儁長樂  
太守傅顏討斬之以吳王垂為東夷校尉平州刺史鎮  
遼東初虜有駿馬曰赭白有奇相逸力石虎來攻棘城  
虢將出避難欲乘之馬悲鳴蹠齧人莫能近虢曰此馬  
見異先朝孤常仗之濟難今不欲出者蓋先君之旨也  
乃止虎尋奔退虢益奇之至是年四十九歲矣而駿逸  
不虧儁比之鮑氏驄命鑄銅以圖其像親為銘贊鐫勒  
其旁置之薊城東掖門是歲像成而馬歿

光壽二年春初河內太守上黨馮騫自稱太守附於張

平平屢言之儁以平故乃赦其罪署為京兆太守既而

與呂護陰通建康時平跨有新興雁門西河太原上黨

上郡之地壘壁三百餘所胡晉十餘萬戶拜置征鎮為

燕鼎峙之勢儁遣司徒上庸王評討騫不克三月甲戌

復遣領軍將軍慕輿根將兵助評攻騫根欲急攻之評

曰騫壁堅不如且緩之根曰不然公至城下經月未嘗

交鋒賊謂國家力止於此遂相固結冀幸萬一根兵初

至形勢方振賊衆駭懼恐有離心計慮未定從而攻之  
無不克者遂急攻之鴛與其黨果相猜忌鴛奔野王依  
呂護盡降其黨三月僞常山寺王母祠前大樹自拔乃  
於根下得壁七十珪七十三光色精奇有異常玉僞以  
為神嶽之命遣尚書郎段勤用太牢祀之每祀有一虎  
往來祠側性頗馴狎而不害於物是月攻陷冀州諸郡  
夏五月遼西獲黑兔秋九月張平與故趙將李歷高昌  
等初因冉閔之亡並率其所部稱藩於僞遣子入侍既

而投欵建康結援苻堅並受爵位羈縻自固雖貢使不絕而誠節未盡僞遣上庸王評討張平於并州司空陽鶩討高昌於東燕樂安王臧攻李厯於濮陽鶩攻昌別將於黎陽拔之厯奔滎陽昌奔東陵載紀作其衆皆降

邵陵

并州壁壘降者百餘所署尚書右僕射悅綰為安西將

軍領護匈奴中郎將并州刺史以撫之平所署征西將

軍諸葛驤鎮北將軍蘓象寧東將軍喬庶鎮南將軍石

賢等率壘壁百三十六一作來降僞皆復其官爵平率

衆三千奔平陽遣使乞降冬十月僞殺尚書郎鮮卑段勤以其陰貳於晉也其弟思遂奔於晉晉太山太守諸葛攸復率衆攻東郡僞遣大司馬恪等拒之各引而還僞復圖入寇兼欲經略關西十二月令州郡校閱見丁精覈

一作覆

隱漏率戶畱一丁餘悉發為兵欲使步卒滿

一百五十萬期來春大集將進臨洛陽為三方節度武邑劉貴上書極陳百姓凋弊發兵非法恐人不堪命必致土崩之變并陳時政不便於時者十有三事僞覽而

悅之下公卿博議事多納用乃改令三五發兵寬戎備  
一周悉令明年季冬赴集鄴都時調發繁數官司各遣  
使者道路旁午郡縣苦之太尉領中書監封奕請自今  
非軍期嚴急不得遣使自餘賦發皆責成州郡其郡司  
所遣殫督在外者一切攝還儻從之是歲晉北中郎將  
荀羨攻山荏拔之斬太山太守賈堅鎮南將軍青州刺  
史塵遣司馬悅明救之晉師敗績復取山荏遂以堅子  
活為任城太守

光壽三年春二月僞立小學於顯賢里以教胄子三月  
封子泓為濟北王冲為中山王其餘弟姪分封有差遂  
讌羣臣於蒲池酒酣賦詩因談經史論及周太子晉潛  
然流涕顧謂羣臣曰昔魏武追痛倉舒孫權悼登無已  
孤常謂二主緣愛稱其無大雅之體才子難得自景先  
之亡以來孤髮髮中白始知二王有以而然卿等謂景  
先定何如也孤今悼之得無貽怪將來邪司徒長史李  
績對曰獻懷太子之在東宮臣為中庶子既忝近侍聖



質志業臣實不敢不知臣聞道備無愆其惟聖人乎先  
太子大德有八未見其闕也儁曰卿言過矣然試言之  
績曰至孝自天性與道合一也聰敏慧悟機思若流二  
也沉毅好斷理詣無幽三也疾諛量物雅悅直言四也  
好學愛賢不恥下問五也英姿邁古藝業超時六也虛  
襟恭讓尊師重道七也輕財好施勤恤民隱八也儁曰  
卿雖褒譽然此兒若在吾死無憂也吾既不能追蹤唐  
虞官天下以禪有德近模三王以世傳授景茂幼冲器

業未舉卿以為何如時太子瞻侍側續曰皇太子天姿  
岐嶷聖敬日躋雖八德已聞而二闕未補雅好游畋娛  
心絲竹此其所以為損耳儁顧謂暉曰伯陽之言藥石  
之惠也汝宜誠之暉甚不平因問高年疾苦孤寡不能  
自存者賜穀帛有差己丑儁夜寢夢石虎齧其臂寤而  
遂痛惡之命發其棺求尸不獲購以百金莫之知也鄴  
女子李莞知而告之

水經注云後宮  
嬖妾知而告之

言虎葬於東苑

一作

東觀下於是掘焉下度三泉得其棺剖棺出尸尸僵不

腐僞踣而罵之曰死胡安敢夢生天子也遣御史中尉  
楊約數其殘酷之罪而鞭之投於漳水尸倚橋柱不流  
及秦滅燕王猛為之誅李荑收而葬之秋七月晉平北  
將軍高昌為僞所逼力不能拒自白馬奔於滎陽八月  
晉太山太守諸葛攸率水陸二萬來伐入自石門屯於  
河渚攸部將匡超進據嶠嶽蕭館屯於新柵又遣督護  
徐同率水軍三千泛舟上下為東西聲勢僞遣上庸王  
評長樂太守傅頴等統步騎五萬戰於東阿攸兵大敗

冬十月僞寇東河晉遣西中郎將謝萬次下蔡北中郎將卻曇次高平率師來拒萬矜豪傲物但以笑詠自高未嘗撫衆乃召集諸將一無所言直以如意指四坐云諸將皆勁卒諸將益恨之既而萬率衆入渦潁以援洛陽曇以病退屯彭城萬以燕兵大盛故曇退即引兵還衆遂驚潰萬狼狽單騎遁歸塞北七國賀蘭涉勒等皆降十二月辛酉僞寢疾謂大司馬太原王恪曰吾所患愷然當恐不濟修短命也復何所恨但二寇未除景茂

冲幼慮其未堪家國多難吾欲遠追宋宣公以社稷屬  
汝恪曰太子雖幼天縱聰聖必能勝殘刑措臣實何人  
敢干正統僞怒曰兄弟之間豈虛飾邪恪曰陛下若以  
臣堪荷天下之任者寧不能輔少主乎僞喜曰汝若行  
周公之事吾復何憂李績清方忠亮堪任大事汝善遇  
之乃召吳王垂還鄴時所徵郡國兵悉集鄴城盜賊互  
起每夜攻劫晨昏斷行於是寬常賦設奇禁盜賊有相  
告者賜奉車都尉捕誅賊首木穀禾等百餘人乃止

建熙元年春正月癸巳僞疾少差大閱兵於鄴欲使大  
司馬恪司空陽騫將之入寇既而疾篤乃召恪騫及司  
徒評領軍將軍慕輿根等受遺詔輔政甲午僞薨於應  
福殿時晉升平四年也先是月犯太白在昴占曰人君  
死一曰趙地有兵至是而僞卒時年五十三在位十二  
年葬於龍陵僞諡景昭皇帝廟號烈祖僞雅好文籍性  
嚴重慎威儀未嘗以慢服臨朝雖閒居晏然亦無懈怠  
之色云

欽定四庫全書

十六國春秋

十六國春秋卷二十七



十六國春秋卷二十八

前燕錄六

慕容暉上

慕容暉字景茂僞之第三子也元璽元年封為中山王  
尋立為皇太子光壽四年春正月甲午僞薨羣臣欲立  
太原王恪恪曰國有儲君非吾節也於是立暉遂以晉  
升平四年僭即皇帝位大赦境內殊死以下改元建熙

二月尊母可足渾氏為皇太后以太原王恪為太宰錄  
尚書行周公事專掌百揆上庸王評為太傅陽鶩為太  
保慕輿根為太師叅輔朝政自餘文武諸臣拜授各有  
差曄既庸弱國事皆委之於恪慕輿根自恃先朝勲舊  
心不服恪潛欲為亂

詳具  
根傳

恪與評密謀奏根罪狀使右

衛將軍傅顏收根於內省誅之并其妻子黨與大赦境  
內殊死已下三月己卯葬僞於龍陵時所徵郡國兵以  
燕朝多難互相驚動徃徃擅自散歸自鄴以南道路斷

塞太宰恪以吳王垂為使持節征南將軍都督河南諸  
軍事兗州牧荊州刺史鎮梁國之蠡臺孫希

泳之子也

為并

州刺史傳顏為護軍將軍帥騎二萬觀兵河南臨淮而  
還境內乃安夏四月以單男為雁門太守冬十一月太  
宰恪欲以李績為右僕射暉不許恪屢以為請暉曰萬  
機之事皆委之叔父伯陽一人暉請獨裁出為章武太  
守績遂以憂死

建熙二年春正月乙丑辰時月在危宿奄太白占之曰

天下靡散二月平陽人舉郡來降暉以建威將軍段剛  
為太守遣督護韓苞將兵共守平陽方士丁進有寵於  
暉欲求媚於太宰恪說恪令殺太傅評恪大怒奏收進  
殺之三月雋所署寧南將軍河南太守呂護據野王潛  
通於晉晉拜護為前將軍冀州刺史護欲引兵襲鄴事  
覺太宰恪將兵五萬冠軍將軍皇甫真將兵萬人共討  
之兵至野王護嬰城自守護軍將軍傅末波一作顏言於  
恪曰護窮寇假合王師既臨上下喪氣曾不敢闕兵中

路展其蟾螂之心此則士卒攝魂敗亡之道也殿下前以廣固天險守易攻難故為長久之計今賊形便不與往同宜急攻之以省大費恪曰護老賊經變多矣觀其守備未易卒平頃攻黎陽多殺精銳卒不能拔自取困辱今圍一作之窮城樵採路絕內無蓄積外無救援我深溝高壘坐而守之休養將卒以重官美貨離間其黨事淹勢窮其變易動於我不勞而寇賊日弊不過十日取之必矣此為兵不血刃坐以制勝也何必多殺士卒

以求旦夕之功乎乃築長圍守之夏四月桓溫以其弟  
黃門郎桓豁將兵取許昌破鎮南將軍麋秋七月恪圍  
野王數月護遣其將張興率勁卒七千出戰傅末波擊  
斬之城中日蹙皇甫真戒部將曰護勢窮奔突必擇虛  
隙而投之吾所部士卒多羸器甲不精宜深為之備乃  
多課櫓楯觀察行夜者護食盡果夜悉精銳趨真所部  
突圍不得出恪引兵擊之護衆死傷殆盡棄妻子奔滎  
陽凡經六月而野王潰恪存撫降民給其廩食徙士人

將帥於鄴自餘各隨所樂以護叅軍廣平梁琛為中書  
著作郎并州刺史張平叛襲平陽殺段剛韓苞又攻雁  
門殺太守單男既而為秦所攻復詣燕謝罪以求救恪  
以平反覆不許冬十月呂護復自滎陽叛歸於暉暉赦  
之以為廣州刺史仍領寧南將軍十二月大赦

建熙三年春正月豫州刺史孫興上疏請攻洛陽曰晉

將陳祐弊卒千餘介守孤城不足取也暉從其言遣護

軍將軍傅末波

一作顏

與寧南將軍呂護率眾進據河陰

二月末波北襲敕勒大獲而還護攻陷小壘進逼洛陽  
三月乙酉晉輔國將軍河南太守戴施奔於宛冠軍將  
軍陳祐告急夏五月丁巳大司馬桓溫遣北中郎將庾  
希及竟陵太守鄧遐率舟師三千人助祐守洛陽六月  
護退守小平津中流矢卒鄧遐進屯新城庾希部將何  
謙及暉將劉則戰於檀丘則衆敗還秋七月征東叅軍  
劉拔刺殺征東將軍冀州刺史范陽王友於信都八月  
將軍段崇收軍北渡屯於野王庾希自下邳退鎮山陽



冬十一月魏昭成帝以女妻暉暉亦納女於帝以備後宮

建熙四年夏四月暉遣寧東將軍忠攻滎陽滎陽太守劉遠奔魯陽癸卯忠進拔密城遠奔於江陵冬十月遣鎮南將軍塵攻陳留太守袁披於長平汝南太守朱斌承虛來襲許昌克之

建熙五年春正月丙辰祀於南郊大赦二月暉復遣太傅評龍驤將軍李洪略地河南潁川太守李福戰死評

遂侵汝南汝南太守朱斌奔於壽春進圍陳郡陳郡太守朱輔嬰城固守大司馬桓溫遣江夏相劉祐來援評等引還夏四月甲辰暉復遣李洪攻許昌敗晉兵於懸瓠朱斌奔於淮南朱輔退保彭城洪遂拔許昌汝南陳郡徙萬餘戶於幽冀二州暉遣鎮南將軍麋留屯許昌秋七月遣太尉封奕侍中慕輿龍詣龍城徙宗廟及所留百官於鄴都八月太宰恪謀取洛陽先遣人招納士民遠近諸塢皆來歸附乃使司馬悅希軍於盟津豫州

刺史孫興分戍成臯為之聲援九月悅希引兵略河南  
諸城盡取之冬十月封奕等迎神主於和龍初暉委政  
太宰恪專受經於博士王歡一作王勸助教尚鋒秘書監一作  
郎杜詮竝以明經講論左右至是通諸經祀孔子於東  
堂以歡為國子祭酒鋒國子博士詮散騎侍郎其執經  
侍講者皆有拜授

建熙六年春二月太宰恪吳王垂攻逼洛陽恪謂諸將  
曰卿等常患吾不攻今洛陽城高而兵弱易克也勿更

畏懦而怠惰遂進攻之三月拔金城寧朔將軍竺瑶奔  
於襄陽執冠軍長史揚武將軍沈勁勁字世堅吳興武  
康人父充與王敦構逆衆敗而逃為部將吳儒所殺勁  
當坐誅鄉人錢舉匿之得免後竟殺儒以報仇勁少有  
節操哀父死於非命志欲立勲雪恥年三十餘以刑家  
不得仕而止至是恪逼洛陽冠軍陳祐守兵不過二千  
勁自表求配祐効力詔補長史令自募壯士得千餘人  
以行屢以少擊衆摧破燕軍洛陽糧盡援絕祐自度不

得守乃以救許昌為名留勁五百人守之身率眾奔新

城

一作陸渾

勁喜曰吾志欲致命今其時矣為恪所執勁神

氣自若恪奇而將宥之中軍將軍慕輿虔曰勁雖奇士  
觀其志度終不為人用今若赦之必為後患遂殺之恪  
略地至靖澠關中大震秦苻堅自將屯陝城以備之恪  
以左中郎將筑為假節征虜將軍洛州刺史鎮金墉吳  
王垂為都督荆揚洛徐兗豫雍益涼秦等十州諸軍事  
征南大將軍荊州牧配兵一萬鎮魯陽恪遂還鄴謂僚

屬曰吾前平廣固不能濟辟閭蔚今定洛陽使沈勁為  
戮雖皆非本心然身為元帥實有愧於四海夏四月壬  
午太尉武平匡公封奕卒以司空陽鶩為太尉侍中光  
祿大夫皇甫真為司空領中書監

建熙七年春二月時境內多水旱太宰大司馬恪太傅  
司徒評竝稽首歸政上章綬請遜位還第曰臣以朽闇  
器非經國過荷先帝拔擢之恩又蒙陛下殊常之遇猥  
以輕才竊位宰錄不能上諧陰陽下釐庶政致使水旱

愆和曩倫失序輾弱任重夕惕惟憂臣聞王者則天建  
國辨方正位司必量才官惟德舉台傳之重參理三光  
苟非其人則靈曜為虧尸祿貽殃負乘招悔由來常道  
未之或差夫以姬旦之勲聖猶近則二公不悅遠則管  
蔡流言況臣等寵緣戚榮官非才授而可久點天官塵  
蔽賢路是以中年拜表披陳丹款聖恩蓋舊未忍遐棄  
奄冉偷榮愆責彌厚自待罪台司歲餘辰紀忝冒宰衡  
七載於茲雖乃心經略而思不周務至今二方干紀跋

扈未庭同文之詠有慙盛漢深乖先帝付託之規甚違  
陛下垂拱之義臣雖不敏竊聞君子之言敢忘虞廷辟  
賢之美輒循兩疏知止之分謹送太宰大司馬太傅司  
徒章綬惟垂詔

一作昭

許暉曰朕以不天早傾乾覆先帝

所托惟在二公二公懿親碩德勲高魯衛翼贊王室輔  
導朕躬宣慈惠和坐而待旦虔誠夕惕美亦至矣抑亦  
二公之力也今關右有未賓之氏江吳有遺燼之虜方  
賴謀猷混寧六合豈宜虛已謙沖以違委任之重王其



割二疏獨善之小以成公旦補袞之大恪評等固請致  
政暉曰夫建德者必以終善為名佐命者則以功成為  
效二公與先帝開構洪基膺天明命將廓夷羣醜紹復  
隆周之業

一作迹

今災眚橫流乾光墜曜朕以眇躬猥荷

大業不能上成先帝遺志致使二虜游魂所以功未成  
也豈宜沖退且古之王者不以天下為榮憂四海若荷  
擔然後仁讓之風行則比屋而可封今道化未純鯨鯢  
未殄宗廟之重非惟朕躬二公所憂也當思所以寧濟

兆庶靖難敦風垂美將來侔蹤周漢不宜崇飾常節以  
違至公遂斷其讓表恪評乃止夏五月暉下書曰朕以  
寡德蒞政多違亢陽三時光陰錯緒農植之辰而零雨  
莫降其令有司徹樂大官以菜食常供祭奠既而澍雨  
秋九月鈞律郎郭欽奏議以暉承石虎水為木德從之  
冬十月遣撫軍將軍下邳王厲寇兗州攻晉太山太守  
諸葛攸攸奔淮南拔兗魯高平諸郡置守宰而還十二  
月晉南陽督護趙億叛據宛城以郡來降暉遣南中郎

將趙槃

一作盤

自魯陽戍之

建熙八年春二月撫軍將軍下邳王屬鎮北將軍宜都

王桓襲敕勒夏四月鎮南將軍麄攻竟陵太守羅崇

一作

宗擊破之太宰大司馬太原王恪有疾言於暉曰吳王

垂將相之才十倍於臣先帝以長幼之次故臣得先之

臣死之後願陛下舉國以聽吳王五月壬辰恪疾篤暉

親視之囑以後事言終而卒六月晉右將軍荊州刺史

桓豁竟陵太守羅崇攻宛城拔之趙億走趙槃退歸魯

陽豁遣輕騎追槃及於雉城大戰破之槃為豁所執因失宛城秋七月下邳王厲等破敕勒獲馬牛數萬頭初厲兵過魏代地犯其祭田昭成帝率衆伐之暉遣平北將軍武強公慕輿暉以幽州兵戍雲中八月昭成攻雲中暉棄城走振威將軍慕輿賀辛戰沒冬十二月甲子太尉陽鶩卒以司空皇甫真為太尉侍中光祿大夫李洪為司空

建熙九年春二月以車騎將軍中山王冲為大司馬冲

暉之弟也以荊州刺史吳王垂為侍中車騎大將軍儀  
同三司秦苻堅將苻庾據陝城來降請兵應接時有圖  
讖曰燕馬當飲渭水堅恐暉乘釁入關大懼乃盡精銳  
以守華陰暉羣下議欲遣兵救庾因圖關右太傅評素  
無經略又受苻氏間貨阻其議曰秦大國也今雖有難  
未易可圖朝廷雖明未如先帝吾等智略又非太宰之  
比但可閉關息旅保寧疆場足矣平秦非吾事也魏尹  
征南將軍范陽王德上疏曰先帝應天順時受命革代

方以文德懷遠志平六合神功未就奄忽升遐昔周文  
既沒武王嗣興伏惟陛下則天比德揆聖齊功闡崇乾  
基纂成先志逆氏僭據關隴號同王者惡積禍盈自相  
疑戮釁起蕭牆國分為四投誠請援前後相繼豈非凶  
運將終數歸有道兼弱攻昧取亂侮亡機之上也今秦  
土四分可謂弱矣時來運集天贊我也天與不取反受  
其殃吳越之事足以觀矣宜應天人建牧野之旗命皇  
甫真引并冀之衆徑趨蒲坂吳王垂引許洛之兵馳解

庾園太傅評總京師虎旅為二軍後繼傳檄三輔示以  
禍福明立購賞獲城即侯微功必錄此則鬱桀待時之  
雄抱志未伸之桀必嶽峙灞上雲屯隴下天羅既張內  
外勢合區區潛豎不走則降渾一之基於此乎在願陛  
下獨斷聖慮無訪二公暉覽表大悅將從之羣下又多  
請救陝因圖關中者評固執不許乃止苻庾知評暉之  
無遠略恐救師不至乃遺吳王垂及皇甫真牋曰苻堅  
王猛皆人傑也謀為燕患久矣今不乘機取之恐異日

燕之君臣將有涌東之悔矣垂得書私於真曰方今為人患者必在於秦主上富於春秋未能留心政事觀太傅識度豈能及苻堅王猛乎真曰然吾雖知之如言不用何秋八月時王公貴戚多占民為蔭戶國之戶口少於私家倉庫空竭用度不足尚書左僕射悅綰言於暉曰太傅政尚寬和百姓多有隱附傳曰惟有德者可以寬臨其衆其次莫如猛今諸軍營戶三分共貫風教陵弊威綱不舉宜悉罷軍封以實天府肅明法令以清四



海暉納之綰既定朝制朝野震懼出戶二十餘萬冬十  
一月左僕射悅綰卒十二月有神降於鄴自稱相汝一作  
湘女有聲與人接款數日而去

十六國春秋卷二十八

十六國春秋卷二十九

前燕錄七

慕容暉下

建熙十年夏四月立貴妃可足渾氏為皇后渾氏太后  
從弟尚書令豫章公翼女也六月晉大司馬桓溫率徐  
兗二州刺史郗愔江州刺史南中郎將桓冲豫州刺史  
西中郎將袁真江夏相劉岵等步騎五萬來伐溫又遣

建威將軍檀玄攻胡陸拔之執寧東將軍忠進次金鄉  
時亢旱水道不通乃鑿儀陽道以通舟運自帥師次於  
合肥

一云鑿鉅野三百餘里  
以通舟運自清水入河

暉遣撫軍將軍下邳王厲

為征討大都督帥步騎八萬逆戰於黃墟厲兵大敗單  
騎奔還高平太守徐翻舉郡降溫溫前鋒朱序鄧遐敗  
暉護軍將軍傅末波於林渚溫軍大振暉復遣樂安王  
臧統諸軍拒溫臧不能抗遣散騎常侍李鳳求救於秦  
秋七月戊寅溫進屯武陽暉前兗州刺史孫元率其族

黨起兵應之戊子遂至枋頭暉及太傅評大懼謀奔和  
龍吳王垂曰不然臣請擊之若其不捷走未晚也乃以  
垂代樂安王臧為使持節南討大都督帥征南將軍范  
陽王德等衆五萬拒溫垂表司徒左長史申胤黃門侍  
郎封孚尚書郎悉羅騰皆以叅軍從事暉又遣散騎樂  
嵩乞師於秦許賂以虎牢已西之地八月苻堅遣將軍  
苟池洛州刺史鄧羌帥騎二萬來援出自洛陽至於潁  
川又遣散騎侍郎姜撫報使於暉外為赴援內實觀隙

陰有兼并之志矣封孚問於申胤曰溫衆強士整乘流直進今大軍徒遠巡高岸兵不接刃未見克殄之理事將何如胤曰以溫今日聲勢似能有為在吾觀之必無成功何則晉室衰弱溫專制其國晉之朝臣未必與之同心溫之得志衆所不願也必將乖阻以敗其事又溫驕而恃衆怯於應變大衆深入值可乘之會反更逍遙中流不出赴利欲望持久坐取全勝若糧廩愆懸情見勢屈必不戰自敗此自然之數也溫以暉降人段思為

鄉導悉羅騰與溫戰遂生擒思溫使故趙將李述徇趙  
魏騰又與虎賁中郎將染干津共擊斬之溫軍奪氣初  
溫使豫州刺史袁真攻譙梁開石門以通水運真克譙  
梁而不能開石門水運路塞九月范陽王德帥騎一萬

蘭臺侍御史劉當

侃之子也

帥騎五千屯石門絕溫糧漕豫

州刺史李邽

一作邽

又帥州兵五千斷溫糧道德使將軍

宙率騎一千為前鋒與晉兵遇宙曰晉人輕剽怯於陷  
陳勇於乘退宜設餌以釣之乃使二百騎挑戰分餘騎

為三伏挑戰者兵未交而走晉兵追之宙帥伏出擊死者甚衆丙申溫頻戰不利糧儲復竭又聞秦兵將至焚舟棄輜重鎧甲自陸道奔還以毛虎生督東燕等四郡諸軍事領東燕太守溫自東燕出倉垣經陳留鑿井而飲行七百餘里暉諸將爭欲追之吳王垂曰不可溫初退惶恐必嚴設警備簡精銳為後拒擊之未必得志不如緩之彼幸吾未至必晝夜疾趨俟其士衆力盡氣衰然後擊之無不克矣乃率八千騎徐行躡其後溫果兼



道而進數日垂謂諸將曰溫可擊矣乃急追之辛丑及於襄邑范陽王德帥勁卒四千從間道先溫至襄邑東伏於澗中與垂前後夾擊溫衆大敗斬首三萬級秦將苟池聞溫班師邀擊於譙又大敗之死者復以萬計兗州刺史孫元據武陽拒暉暉左衛將軍孟高討擒之冬十月己巳桓溫收散卒屯山陽深恥喪敗乃歸罪於袁真真怨溫誣已據壽春叛降於暉且乞師請援暉遣大鴻臚溫統拜袁真為使持節散騎常侍都督淮南諸軍

事征南大將軍領護南蠻校尉揚州刺史封宣城公燕  
秦既結好聘使數相往來暉散騎侍郎太原郝晷給事  
黃門侍郎梁琛相繼如秦吳王垂自襄邑還鄴威名益  
振太傅評素不平之至是益忌垂所奏募將士忘身立  
效將軍孫蓋等推鋒陷陣應蒙殊賞評皆抑而不行垂  
數以為言與評廷爭隙怨愈深太后可足渾氏又數惡  
垂毀其戰功與評密謀誅之垂懼遂奔於秦范陽王德  
素與垂善及車騎從事中郎高泰等皆坐免官尚書右

丞申紹言於評曰今吳王出奔外口籍籍宜徵王僚屬

之賢者顯進之粗可消謗評曰誰可者紹曰高泰其領

袖也乃以泰為尚書郎先是暉使黃門侍郎梁琛聘秦

秦留琛月餘乃遣歸琛兼程而進比至於鄴垂已奔秦

琛言於評曰秦人日閱軍旅運粟陝東以琛觀之和必

不久今吳王又往歸之秦必有窺釁之計宜早為之備

評曰不然秦豈肯受叛人一作臣而敗和好哉琛曰鄰國

相吞一作井有自來矣況今二國分據中原竝稱大號理

無俱存桓溫之入寇彼以計相救非愛燕也若燕國有  
隙彼豈忘其本志哉評曰秦主何如人琛曰苻堅機明  
好斷納善如流又問王猛琛曰名不虛得王佐之才銳  
於進取觀其君臣相得自謂千載一時桓溫不足為慮  
終為人患者其惟王猛乎評皆不以為然琛又以告暉  
暉亦不然之以告皇甫真真深以為憂上疏陳其事曰  
苻堅雖聘使相尋托輔車為諭然抗均鄰敵勢同戰國  
實有窺上國之心非能慕樂德義守信存和以崇久要

也頃來行人累續兼師出洛川夷險要害具之耳目觀  
虛實以措姦圖聽風塵而伺國隙者寇之常也今吳王  
垂又往從之為其謀主伍員之禍不可不慮洛陽太原  
并州壺關諸城皆宜選將益兵以防未兆暉召太傅評  
謀之評曰秦國小力弱恃我為援且苻堅庶幾善道終  
不肯納叛臣之言絕二國之好不宜輕自驚擾以啓寇  
心卒不為備會秦遣黃門郎石越來聘太傅評示之以  
奢欲以誇燕之富盛尚書郎高泰及太傅叅軍河間劉

靖言於評曰越言誕而視遠非求好乃觀釁也宜耀兵以示之用折其謀今乃示之以奢益為其所輕矣評不從泰遂謝病歸家是時外則晉師及苻堅交侵兵革不息內則太后可足渾氏侵撓國政評等貪昧無厭貨賂上流官非才舉羣下怨憤尚書左丞申紹上疏曰臣聞漢宣有言與朕共治天下者其惟良二千石乎是以特重此選必妙盡英才莫不拔自貢士歷資內外用能仁感猛獸惠致羣祥今之守宰率非其人或武臣出於行

伍或貴戚生長綺紈既無聞鄉曲之選又不更朝廷之職加之黜陟無法貪情者無刑戮之懼清修者無旌賞之勸百姓困弊侵昧無已兵士逋逃寇盜充斥綱頹紀紊莫相糾攝且吏多則政煩由來常患今之見戶不過漢之一大郡而備置百官加之新立軍號兼重有過往時虛假名位廢棄農桑公私驅擾人不聊生宜并官省職務勸農桑秦吳二虜僻僭一時尚能任道捐情肅諧偽部況大燕累聖重光君臨四海而可美政或虧取陵

奸寇哉鄰之有善衆之所望我之不修彼之願也秦吳

狡猾地居形勝非惟守境而已乃有吞噬之心中州豐

實戶兼二寇弓馬之勁秦吳所憚雲騎風馳四方莫及

比者赴敵後機兵不速濟何也皆由賦法靡恒役之非

道郡縣守宰每於差調之際無不舍越殷強首先貧弱

行留俱窘資贍無所人懷嗟怨遂至奔亡進闕

一作關

供

國之饒退離蠶農之要兵豈在多貴於用命宜嚴制軍

務精擇守宰復習兵教戰使偏伍有常從戎之外足營



私業父兄有陟岵之觀子弟懷孔邇之顧雖赴水火何  
所不從節儉省費先王格謨去華敦實哲后恒憲故周  
公戒成王以豐財為本漢文以皂幃變俗孝景宮人弗  
過千餘魏武寵賜不盈十萬薄葬不墳儉以率下所以  
割肌膚之惠全百姓之力也今後宮之女四千有餘僮  
僕廝役過兼十倍一日之費價盈萬金綺縠羅紈歲增  
常調戎器弗營奢玩是務帑藏空虛軍士無賴宰相王  
侯迭尚侈麗風靡之化積習成俗卧薪之諭未足甚焉

宜罷浮華非要之役峻明婚姻喪葬之條禁絕奢靡浮

煩之事出傾宮之女均農商之額公卿以下以四海為

家賞必當功罰必當罪如此則綱紀肅舉公私兩遂溫

猛之首可懸之白旗秦吳二主可禮之歸命豈特保境

安民而已哉陛下若不遠追漢宗弋綈之模近崇先帝

補衣之美臣恐頽風弊俗亦且改變靡途中興之歌無

以軫之絃詠又索虜

什翼犍  
貽成諱

疲病昏悖雖乏貢御無能

為患而勞兵遠戍有損無益況拓宇兼并不在一城控

制戎狄懷之以德魯陽上郡重山之外雲陰之北四百  
有餘而未可以羈服塞表為平寇之基徒孤危托落令  
善附內駭宜攝就并豫以臨二河東接漕輟擬之兵後  
重晉陽之戍增南藩之兵嚴戰守之備銜千金之餌蓄  
力待時可一舉而滅如其虔劉送死俟入境而斷之可  
令疋馬不返非惟絕二國闕關乃是戡殄之要惟陛下  
覽焉疏奏不省初暉許割虎牢已西賂秦晉兵既退暉  
又悔之謂秦人曰行人失辭有國有家者分災救患理

之常也符堅大怒遣輔國將軍王猛建威將軍梁成洛州刺史鄧羌帥步騎三萬來伐十二月猛等進攻洛陽建熙十一年春正月王猛遺荊州刺史武威王筑書曰國家今已塞成臯之險杜盟津之路大駕虎旅百萬自軹關取鄴都金墉窮戍外無救援城下之師將軍所監豈三千敝卒所能支也筑以救兵不至大懼舉金墉降猛猛陳師受之暉遣衛大將軍樂安王臧城新樂破秦兵於石門執秦將楊猛進屯滎陽猛遣梁成鄧羌與臧

戰於石門臧軍敗績死者萬餘遂相持於石門梁成又  
敗臧軍斬首三千餘級獲將軍楊璩猛遂留鄧羌鎮金  
墉以輔國司馬桓寅為弘農太守代羌戍陝城引師而  
去二月癸酉揚州刺史袁真卒陳郡太守朱輔立真子  
瑾為建威將軍豫州刺史以固壽陽一作壽春遣其子乾之  
及司馬爨亮如鄴請命并乞援師暉以瑾為揚州刺史  
輔為荊州刺史遣軍援之夏四月辛未桓溫使督護竺  
瑤矯陽之等率水軍擊袁瑾時暉軍已至瑤等與戰於

武丘破之溫率衆二萬自廣陵又至瑾嬰城固守溫築  
長圍守之六月乙卯秦苻堅復遣輔國將軍王猛督鎮  
南將軍楊安等十將步騎六萬來伐猛等兵於灞上秋  
七月猛進攻壺關安等進攻晉陽八月暉遣太傅上庸  
王評下邳王屬率中外精兵三十餘萬拒之猛安進屯  
潞川州郡盜賊大起鄴中又多怪異暉憂懼不知所為  
乃召散騎侍郎李鳳黃門侍郎梁琛中書侍郎樂嵩問  
曰秦兵衆寡何如今大軍旣出猛等能戰否鳳對曰秦

國小兵弱非王師之敵景略常才又非太傅之比不足  
憂也琛嵩曰不然兵書之義計敵能關當以算取之若  
冀敵不關非萬全之道也慶鄭有云秦衆雖少戰士倍  
我衆之多少非所問也且秦行師千里遠來為寇固戰  
是求吾當用謀以求勝豈可冀其不戰而已乎暉不悅  
王猛攻克壺關執上黨太守南安王越所過郡縣望風  
降附鄴中大震黃門侍郎封孚問司徒長史申胤曰事  
將何如胤歎曰鄴必亡矣吾屬今茲將為秦虜然越得

歲而吳亡之卒受其禍今福德在燕秦雖得志而燕之  
復建不過一紀耳八月癸丑桓溫擊袁瑾於壽陽滅之  
復取壽陽九月楊安攻晉陽晉陽兵多糧足固守不下  
王猛留屯騎校尉苟萇戍壺關率兵助安攻之乃為地  
道使虎牙將軍張蚝率壯士數百潛入城中大呼斬關  
納秦兵辛巳猛安入晉陽執并州刺史東海王莊太傅  
評畏猛不敢進屯於潞川冬十月辛亥猛留毛當戍晉  
陽進兵潞川與評相持評以猛懸軍深入利在速戰議



以持久制之評為人貪鄙鄣固山泉鬻水與軍入絹一  
疋得水二石積錢帛如丘陵士卒怨憤莫有鬪志猛聞  
之笑曰慕容評真奴才也雖億兆之衆且不足畏況數  
十萬乎吾今破之必矣遂遣遊擊將軍郭慶帥騎五千  
夜從間道出評營後起火高山燒評輜重火見鄴中暉  
懼遣侍中蘭伊讓評曰王高祖之子也當以社稷宗廟  
為憂奈何不撫戰士而權賣樵水專以貨殖為心乎府  
庫之積朕與王共之何憂於貧若寇兵冒進家國喪亡

王持錢帛安所置之皮之不存毛將安傅錢帛可散之  
三軍以平寇凱旋為先也評大懼遣使詣猛請戰甲子  
猛陳於渭源軍皆踴躍破釜棄糧大呼競進評師敗績  
俘斬五萬餘人乘勝追擊所殺及降者又十萬餘人評  
單騎還鄴猛又追奔長驅至鄴十一月秦王苻堅自帥  
精銳十萬赴猛七日而至長安初宜都王桓率眾萬餘  
屯沙亭為評後繼聞評敗引兵屯內黃堅使建武將軍  
鄧羌攻信都丁丑桓率鮮卑五千奔龍城戊寅散騎侍

郎餘蔚等率扶餘高句驪及上黨質子五百餘人夜開  
鄴北門以納秦兵暉與上庸王評樂安王臧定襄王淵  
左衛將軍孟高殿中將軍艾朗等數十騎出奔昌黎堅  
使郭慶追之時道路艱難孟高扶持暉經護二王極其  
勤瘁又所在遇盜轉鬪而前數日行至福祿依冢解息  
盜二十餘人猝至皆挾弓矢高持刀與戰殺傷數人高  
力竭自度必死乃直前抱一賊頓擊於地大呼曰男兒  
窮矣餘賊從旁射高殺之艾朗見高獨戰亦還趣賊并

死暉失馬步走郭慶追及於高陽部將巨武執暉將縛之暉曰汝何小人敢縛天子武曰我梁山巨武受詔縛賊何謂天子邪遂送暉於堅堅詰其不降而走之狀暉曰狐死首丘欲歸死於先人墳墓耳堅哀而赦之令還宮率文武出降郭慶進至龍城太傅上庸王評奔高句驪高句驪執評送於秦宜都王桓殺鎮東將軍渤海王亮并其衆奔遼東遼東太守韓稠先已降秦桓至不得入攻之不克郭慶遣將軍朱嶷擊之桓棄衆單走嶷獲

而殺之諸州牧守及六夷渠帥盡降於秦十二月堅入  
鄴宮升正陽殿徙暉及后妃王公以下并鮮卑四萬餘  
戶於長安封暉新興郡侯邑五千戶尋拜尚書堅征臺  
城以暉為平南將軍別部都督淮南之敗隨堅還長安  
既而吳王垂攻苻丕於鄴中山王冲起兵關中暉謀殺  
堅以應之事發為堅所誅先是暉之六年二月丙子月  
奄熒惑在參占曰參魏地災當在燕至是而暉滅時年  
三十五在位十一年及德僭稱尊號偽諡幽皇帝始鹿

以晉武帝太康六年歲在乙巳稱公至暉四世晉海西  
公太和五年歲在庚午減凡八十五年

十六國春秋卷二十九

謹案卷二十七第九頁後三行坑師沉卒刊本坑  
訛抗今改

卷二十八第三頁後五行吾所部士卒多羸刊本  
羸訛羸今改

第四頁後二行晉輔國將軍刊本軍訛國今改  
第八頁後二行敢忘虞廷辟賢之美刊本辟訛避  
今改

卷二十九第一頁前六行晉大司馬桓溫刊本脫

司字今增

第八頁後七行什翼捷貽成諱刊本捷訛捷今改





覆校官編修臣張秉愚

校對官編修臣裴謙

謄錄貢生臣李鍾淑

謄錄監生臣曹秀榆

欽定四庫全書薈要

史部

十六國春秋卷

三十三  
三十二



十六國春秋卷三十

前燕錄八

吐谷渾

吐谷渾者本遼東鮮卑慕容廆之庶兄因氏其字以為首類之種號也故謂之野虜父徒河涉歸有二子長曰吐谷渾少曰若洛廆廆代統部落為慕容氏渾庶長廆正嫡父在時分戶一千七百與渾以隸之渾與廆二部

俱牧馬馬鬪相傷廐怒徑遣使讓渾曰先公處分與兄弟異部牧馬奈何不相遠異而令馬有鬪傷渾怒曰馬是六畜食草飲水春氣動發所以致鬪鬪在於馬何至怒及於人若欲遠別甚易恐後會為難耳今當去汝萬里之外矣遂擁馬西行廐悔之遣長史乙那婁馮追謝之渾曰我乃祖以來樹德遼右先公常稱卜筮之言云我二子皆當強盛祚流後世我孽子也理無竝大今因馬而別殆天意乎諸君試驅馬令東馬若東還我當相

隨去矣婁馮遣從者二千騎擁馬東出數百步輒悲鳴  
西走如是者數十次婁馮曰此非人事也遂不復還西  
附陰山而居嘗謂其部落曰我兄弟俱當享國虜及曾  
玄纔百餘年耳我玄孫已後庶其昌乎永嘉之亂始度  
隴西止於枹罕而後子孫據有西零已西甘松之界西  
至於洮水南極於白蘭地方數千里鮮卑謂兄為阿干  
虜追思之為之作阿干歌歲暮窮思常歌之渾有子六  
十人長子吐延嗣吐延年少有大志身長七尺八寸有

勇力雄姿魁傑羌虜憚之號曰項羽性倣儻不羣嘗懷  
慨謂羣下曰大丈夫生不在中國當高皇光武之代與  
韓彭吳鄧竝驅中原定天下決雌雄使名垂竹帛而潛  
竄窮山隔閉殊俗不聞禮教於上京不得策名於天府  
生與麋鹿同羣死作氍裘異鬼雖偷觀日月獨不愧於  
心乎負其智勇性尤猜忌不恤下吏為帛城羌酋姜聰  
所刺將死乃抽劒召其將紇拔泥使輔長子葉延曰豎  
子刺吾吾之過也上負先公下愧士女所以控制諸羌

者以吾故也吾氣絕棺斂訖便速去保白蘭地旣險遠  
土俗懦弱未易控御葉延小兒欲授餘人恐倉卒不能  
相制今以葉延付汝竭股肱之力以輔成之孺子得力  
吾無恨也抽劍而死葉延年十歲常縛草為人號曰姜  
聰哭而射之號天而泣不中瞑目大呼要中乃止其母  
謂之曰逆賊姜聰諸將已屠膾之矣汝年小何為朝夕  
自苦如此葉延泣曰誠知射草人無益於先讐所以如  
此者留罔極之心耳性至孝母病五日不食葉延亦不

食長而沉毅好問天地造化帝王年歷司馬薄洛隣曰  
臣等不學實未審三王何父之子五帝誰母所生延曰  
自羲皇以來符命玄象昭焉著見而卿等面牆何其鄙  
哉語曰夏蟲不知冬冰良不虛也又曰吾公孫之子案  
禮云公孫之子得以王父字為氏吾祖始自昌黎光宅  
於此乃自號其國曰吐谷渾尊祖之義也葉延卒子辟  
奚立

慕容翰



慕容翰字元邕，虜之庶長子也。性雄豪，多權略，猿臂善射，膂力過人，虜甚奇之。委以折衝之任，所在征伐，屢立戰功，威聲大振。遠近憚之，為建威將軍，鎮遼東高句驪。不敢為寇，尤善撫接。愛儒學，自士大夫至於卒伍，莫不樂而從焉。為虜所深忌。及虜死，翰乃歎曰：「吾受事於先公，不敢不盡力。幸賴先公之靈，所向有功。此乃天贊吾國，非人力也。而人謂吾之所辦，以為雄才難制。吾豈可坐而待禍邪？」遂與其子出奔段遼。遼素聞其才，冀收其

用深加愛敬柳城之戰段蘭欲乘勝深入翰慮成本國之害詭說於蘭曰夫為將當務慎重審已量敵若非萬全不可輕動今雖挫其前鋒

一作偏師

未能屈其大勢孰多

權詐好為潛伏若悉國中之衆自將以拒我我懸軍深入衆寡不敵此危道也且受命之日正求此捷若違命貪進萬一取敗功名俱喪何以返命蘭曰此已成擒無有歸理卿正慮遂滅卿國耳今千年在東若進而得志吾將迎之以為國嗣終不負卿使宗廟不祀也翰曰吾

投身相依無復還理國之存亡於我何有但欲為大國  
之計且相為惜功名耳乃命所部欲獨還蘭遂不進後  
石虎征遼皝親帥三軍攻略令支以北諸城遼議欲追  
之翰知皝躬自總戎戰必克勝乃謂遼曰今趙兵南至  
方對大敵當併力禦之而更與燕鬪不宜以小小為事  
燕王自將而來其士馬精銳且兵者凶器戰者危慮萬  
一失利將何以禦南敵乎蘭怒曰吾前聽卿誑說致成  
今日之患吾不復墮卿計中矣乃悉將見衆追之皝設

伏以俟蘭果大敗翰雖處仇國因事立忠皆此類也蘭  
既敗還不敢出戰遼遂率妻子宗族豪右千餘家棄令  
支奔密雲山將行執翰手而泣曰不用卿言自取亡敗  
我固甘心令卿失所深以為愧翰遂北奔宇文氏宇文  
逸豆歸忌翰才名翰乃陽狂酣飲或卧自便利或被髮  
歌呼拜跪乞食宇文舉國賤之不復省錄以故得往來  
自遂山川形便皆默記之時孰亦以翰初非叛亂以嫌  
疑出奔雖在他國常潛為燕計乃遣商人王車通市於

宇文部以窺翰翰見車無言撫膺額之而已車還以白

旆曰翰欲來也復使車迎之翰彎弓三石餘矢尤長大

旆為之造可手弓矢使車埋於道旁而密告之翰竊逸

豆歸名馬攜其二子過取弓矢逃歸逸豆歸遣勁騎百

餘追之翰遙謂追者曰吾旣思戀而歸旣得上馬必無

反面吾向日陽愚以誑汝吾之弧矢汝曹足知否無為

相逼徒自取死追騎輕之直突而前翰曰吾處汝國久

矣誓一作恨不欲殺汝汝可百步豎汝刀吾射中者汝便

宜反若不中者可來前也追騎解刀豎之翰一發便中  
刀鏢追騎乃散既至孰甚加禮遇仍署建威將軍乃言  
於孰曰宇文強盛日久屢為國患今逸豆歸篡竊得國  
羣情不附加之性識庸暗將帥非才國無防衛軍無部  
伍臣久在其國悉其地形雖遠附強羯聲勢不接無益  
救援今若擊之百舉百克然高句驪去國密邇常有聞  
關之志彼知宇文既亡禍將及已必乘虛深入掩吾不  
備若少留兵則不足以守多留兵則不足以行此心腹

之患也宜先除之觀其勢力一舉可克宇文自守之虜  
必不能遠來爭利旣取句驪還取宇文如反手耳二國  
旣平利盡東海國富兵強無返顧之憂然後中原乃可  
圖也旣曰善遂將兵擊高句驪句驪有二道北道平濶  
南道嶮狹衆欲從北道翰曰虜以常情料之必謂大軍  
從北道當重北而輕南王宜帥銳兵從南道擊之出其  
不意九都不足取也別遣偏師出北道縱有蹉跌其腹  
心已潰四支無能為也旣從之自將勁兵四萬出南道

乃以翰為前鋒高句驪自將弱卒以禦翰軍戰於木底  
遂大敗之因引而還會宇文逸豆歸遣其相莫淺渾將  
兵來寇旆復使翰出擊破之渾僅以身免盡俘其衆後  
旆自將伐逸豆歸以翰為前鋒歸遣涉夜干將兵逆戰  
旆遣使謂翰曰涉夜干勇冠三軍宜小避之翰曰歸之  
精銳已盡於此今若克之則歸可不勞兵而滅夜干雖  
有虛名實易與耳不宜縱敵以挫兵氣進戰斬之翰為  
流矢所中卧病積時不出後疾漸差於其家中騎馬自



試或有人告翰稱病而私習騎乘疑為非常孰雖藉翰  
勇略然中心素忌之遂賜翰死翰臨死謂使者曰翰懷  
疑出奔罪不容誅不能以骸骨委於賊庭故歸罪有司

天慈曲愍不即肆之朝市今日之死亦已晚矣

此句一作翰之

生也但逆胡跨據神州中原未平翰常克心自誓志吞醜

虜欲為國家蕩一區夏上成先王遺旨下謝山海之責

此志不遂沒有遺恨命也奈何仰

一作飲

藥而死翰子鉤

為樂陵太守與青州刺史朱禿共治厭次鉤自恃宗室

每陵侮禿禿不勝忿襲鉤殺之南奔段龕

慕容仁

慕容仁字元愷小字千年廐之少子皝同母弟也有勇略屢立戰功深得士心為征虜將軍鎮平郭其季弟昭為廣武將軍亦有才藝竝有寵於廐素不平之咸和八年夏五月廐死仁自平郭來奔喪私謂昭曰吾等素驕多無禮於嗣君嗣君剛嚴無罪猶可畏況有罪乎昭曰吾輩皆體正嫡於國有分兄素得士心我在內未為

所疑伺其間隙除之不難兄趣舉兵以來我為內應事成之日與我遼東男子舉事不克則死不能效建威偷生異域也仁曰善遂還平郭閏月仁舉兵而西或以仁昭之謀告魼魼未之信遣使按驗仁兵已至黃水一作已至

險知事已露遂殺使者還據平郭魼魼賜昭死乃以玄菟

太守高詡為廣武將軍將兵五千與庶弟建武幼稚廣威軍寧遠汗司馬佟壽等討仁戰於汶城北魼兵大敗軍士皆沒於仁襄平令王永前大司農孫機等舉遼東

城叛應之仁自稱車騎將軍平州刺史遼東公段遼及鮮卑諸部皆與仁遙相應援仁以司馬翟楷領東夷校尉前平州別駕龐鑒領遼東相魼自帥軍討仁至於襄平遂攻拔之翟楷龐鑒單騎遁走居就新昌皆降仁固守平郭魼欲悉坑遼東民高詡諫曰遼東之叛實非本圖直畏仁凶威不得不從今元惡猶存始克此城遽加夷滅則未下之城無歸善之路矣魼乃止仁又遣兵襲新昌督護王寓出擊走之段氏宇文氏各遣使詣仁館

於平郭城旣帳下督張英將百餘騎間道潛行掩擊之  
斬宇文氏使十餘人生擒段氏使以歸旣復謀討仁高  
詡進曰仁叛棄君親人神共怒前此海未常凍自仁反  
已來連年凍者三矣且仁專備陸道天其或者欲使吾  
乘冰以襲之也旣從之羣僚皆言涉冰危事不若從陸  
道旣曰吾計已決敢沮者斬乃帥其弟軍師評等自昌  
黎東踐冰而進凡三百餘里至樞林口舍輜重輕兵趣  
平郭去城七里候騎以告仁狼狽出戰先是張英之俘

二使也仁恨不窮追及孰之至仁以為復遣偏師輕出  
寇抄不虞孰之自來謂左右曰今茲來也當不使其正  
馬得返矣乃悉衆陣於城之西北廣威軍帥所部降孰  
仁衆沮動孰因縱擊大破之仁敗走帳下皆叛遂生擒  
之孰先斬其帳下之叛者然後賜仁死丁衡游毅孫機  
等皆仁所信用也執而斬之王永自殺幼稚佟壽郭充  
翟楷龐鑒皆東走幼稚中道而還孰兵追及楷鑒殺之  
壽充奔高句驪自餘吏民為仁所誑誤者皆赦之遼東

遂平

慕容恪

慕容恪字玄恭，皝第四子，高貴人所生也。幼而謹厚，深沉有大度。高氏無寵，皝未之奇也。年十五，身長八尺七寸，容貌魁傑，雄毅嚴重。每所言及，輒經綸世務。皝始奇之，授以孫吳兵法。數後從征伐，臨機多奇策。使鎮遼東，恩威甚著。高句驪憚之，不敢為寇。皝使恪與儁俱伐扶餘。儁居中指授而已。恪身冒矢石，摧鋒而進。所向輒潰。皝

臨終謂儁曰今中原未一方建大事恪智勇俱濟汝其任之及儁嗣立彌加親厚屢立大功中山之捷軍令嚴明秋毫不犯但遷其將帥土豪數千家而已餘皆安堵如故冉閔敗執恪進屯常山儁命移鎮中山元璽三年封太原王拜侍中假節大都督大將軍錄尚書累遷大司馬儁寢疾引恪與司徒評屬以後事遂總攝朝政暉初嗣位新遭大喪誅夷狼藉內外恟懼恪舉止如常人

不見其有憂色每出入往還一人步從或說以宜自嚴



備恪曰人情方懼且當安重以靜鎮之奈何復自驚擾  
衆將何仰由是人心稍定恪雖總大任而朝廷之禮兢  
兢嚴謹每事必與評議之未嘗專決虛心待士諮詢善  
道量才授任人不踰位朝廷清肅進止有常罷朝歸第  
盡心色養手不釋卷官屬臣僚或有過失不顯其狀隨  
宜他敘不令失倫惟以此為貶時人以為大愧再有小  
過自相責曰爾復欲望宰公遷官邪自是庶僚化德莫  
敢犯者建康初聞雋死皆以為中原可圖桓溫曰慕容

恪尚在所憂方為大耳後攻洛陽略地至峻澠關中大震軍還乃定恪為將不尚威嚴專用恩信撫御士卒務綜大要不為苛令使人人得便安軍士有犯法者密縱舍之捕斬賊首以令軍營平時寬縱似若可犯然警備嚴密敵至莫能近者故未嘗敗恪初有疾以暉幼弱政不在已評性多猜忌恐大司馬之任不當其人謂暉兄樂安王臧曰今南有遺晉西有強秦二寇竝懷進取之志顧我未有隙耳夫國之廢興係於輔相大司馬總統

六軍不可任非其人若能推才任忠和同協盟則四海  
且不足圖二寇豈能為患哉吾以常才猥受先帝顧托  
之命每欲掃平關隴蕩一甌吳庶嗣成先帝遺志謝憂  
責於當年而疾固彌留恐此志不遂所以沒有餘恨也  
吾死之後若以親疎次第言之大司馬之任不以授汝  
當以授冲汝曹雖才識明敏然皆年少未堪多難吳王  
天資英傑經略超世汝曹若能推以授之必能混一四  
海區區外寇不足憚也慎無冒利忘害不以國家為意

也又以語評月餘疾篤暉親視之間以後事恪曰臣聞  
報恩莫大於薦賢賢者雖在板築猶可為相而況國之  
懿藩吳王文武兼資管蕭之亞陛下若任之以大政國  
其可安不然秦晉必有闕闢之計言終而卒國中皆痛  
惜之追謚曰桓王

文明段氏

甄后段氏鮮卑人本單于段國之女也初進為夫人晉  
咸康初甄即王位冊拜為王后及僞稱尊追謚曰文明

皇后配饗於太祖後垂僭立尊生母蘭氏為文昭皇后  
欲遷段氏於別室而以蘭氏配饗詔百官議之皆以為  
當然博士劉詳董謚議以為堯母為帝譽妃位次第三  
不以貴陵姜嫄明聖王之道以至公為先文昭后宜立  
別廟垂怒逼之詳謚曰上所欲為無問於臣臣按經奉  
禮不敢有二垂乃不復問諸儒卒遷段后而以蘭氏配  
饗太祖

景昭可足渾氏

雋后可足渾氏尚書令豫章公翼之從姊也雋元璽二年立為皇后暉嗣位尊為皇太后頗預朝政性尤猜忌垂為吳王威名素著太后甚忌之其妃段氏自以貴姓不尊事太后太后銜憾誣以巫蠱拷掠致死

事具段氏傳

及

垂枋頭之捷威名益著太后愈不平之遂與太傅評密謀誅垂垂懼奔秦俄而太后卒追謚曰景昭皇后配饗於烈祖及垂即偽位以可足渾氏謀傾社稷不宜從祀乃尊昭儀段氏為景德皇后配饗烈祖而追廢可足渾

后

十六國春秋卷三十



十六國春秋卷三十一

前燕錄九

裴嶷

裴開

裴嶷字文冀河東聞喜人也父昶晉司隸校尉嶷清方  
有才幹器略魁偉累遷中書侍郎轉給事黃門郎滎陽  
太守屬天下亂嶷兄武先為玄菟太守嶷遂求為昌黎  
太守至郡久之武卒嶷被徵乃將武子開以喪俱南過

虜敬禮之及去厚加資送行達遼西道路梗塞疑欲  
北還就虜開曰鄉里在南奈何北行且等為流寓今段  
氏强慕容氏弱何必去此而就彼也疑曰中國喪亂今  
往就之是相率而入虎口也且道路遼遠何由可達若  
俟其清通又非歲月可冀今欲求托足之地豈可不慎  
擇其人汝觀諸段豈有遠略且能待國士乎慕容公修  
仁行義有伯王之志加以國富民安今往從之高可以  
立功名下可以庇宗族汝何疑焉開從之乃與投虜既

至龐大喜時諸流寓之士見龐草創竝懷去就疑首定  
名分為羣士啓行龐甚悅之以為長史委以軍國之謀  
疑言於龐曰晉室衰微介居江表中原之亂非明公不  
能拯也今諸部雖各擁兵然皆頑愚相聚宜以漸并取  
為西討之資龐深善之及悉獨官寇逼城下外內騷動  
龐問計於疑疑曰悉獨官雖擁大眾軍無號令眾無部  
陣若簡精兵乘其無備坐成擒耳龐以為然遂陷寇營  
威德甚振遣使獻捷於建康妙簡行人令疑將命初朝

廷以庖僻在荒遠猶以邊裔之豪處之疑既使至盛言  
庖之威略四海英賢竝為其用朝廷始重之疑將還帝  
欲留疑謂疑曰卿中朝名臣當留江東朕別詔龍驤送  
卿家屬疑辭曰臣少蒙國恩出入省闈因事遠寄投迹  
遐荒今遭開泰得覩朝廷復賜恩詔侍奉輦轂於臣之  
私實為厚幸但以舊京淪沒山陵穿毀名臣宿將莫能  
雪恥獨慕容龍驤越在遐表竭忠王室慷慨之誠義感  
天地方掃平中壤奉迎皇輿故遣使臣萬里歸誠今若

留臣不返必謂朝廷以其僻陋而棄之孤其向義之心  
使懈體於討賊此微臣之所甚惜區區忘身為國貪還  
返命耳帝曰卿言是也乃遣嶷還廩後謂羣僚曰裴長  
史名重中朝而降屈於此豈非天以授孤也遷為遼東  
相轉樂浪太守

武子開字士先與嶷同歸仕廩任為車騎司馬才略深  
遠屢進奇策於廩事多納用尋轉軍諮祭酒

游邃

游邃廣平人也與逢美宋興皆嘗為昌黎太守中國喪亂遂與黃泓俱避地於薊後歸仕虜為龍驤長史創定朝儀初王浚屢以手書招其兄暘暘欲赴之邃曰彭祖刑政不修華戎離叛以邃度之必不能久兄且盤桓以俟之耳暘曰彭祖恐而多疑頃者流民北來命所在殺之今手書殷勤我稽留不往將累及卿且亂世宗族宜分以冀遺種邃從之暘竟歸浚與浚俱沒於石勒邃子泓仕為居就令

高瞻子開商

高瞻字子前渤海蓆人也少而英爽有俊才身長八尺  
二寸光熙中調補尚書郎永嘉之亂還鄉里乃與父老  
議曰今皇綱不振兵革雲擾此郡沃壤憑固河海若兵  
荒歲儉必為寇庭非圖安之所王彭祖先在幽薊據燕  
代之資兵強國富可以託也諸君以為何如衆咸稱善  
遂與叔父隱率數千家北徙幽州既而以王浚政令無  
恒乃北依崔毖隨毖如遼東毖與三國密謀伐虜瞻固

諫以為不可必不從及必奔敗瞻隨衆降魔魔署為將軍瞻稱疾不赴魔敬其姿器數臨候之撫其心曰君之疾在此不在他也今晉室喪亂天子播越四海分崩蒼生紛擾莫知所係孤欲與諸君匡復帝室剪鯨豕於二京迎天子於吳會廓清八表侔勲古烈此孤之心也孤之願也君中州望族冠冕之餘宜痛心疾首枕戈待旦以同斯願奈何以華夷之異介然疎之哉且大禹出於西羌文王生於東夷立功立事惟問志略何如耳豈以



殊俗不可降心乎瞻仍辭疾篤不起庖頗不平又與龍  
驤主簿宋該有隙該陰勸庖除之庖不從瞻聞其言彌  
不自安遂以憂卒

瞻長子開仕儁為昌黎太守時土豪封放與趙故太尉  
劉準聚眾自守不附於儁儁遣開討之開至渤海準放  
迎降遂署為幕府叅軍從太原王恪征冉閔於襄國恪  
皆騎兵而閔多步卒開說恪以誘至平地擊之閔遂敗  
走開被重創而卒

開弟商剛毅嚴重好學有事幹為雋范陽太守聞兄開  
戰沒悲哭歐血病不能起扶杖乃行雋召見之商涕泣  
不勝雋顧謂左右曰自古友于之愛未有如商者也即  
日拜昌黎太守商泣辭曰臣兄亡於此郡臣故不忍為  
之雋愍而改授遼西

劉瓚

一作  
讚

劉瓚字彥真平原人也經學該通為世純儒性甚清貞  
非禮不動弟子從之受業者常數百餘人廩重其德學

引為東庠祭酒使太子旣師事之

陽裕

陽裕字士倫右北平無終人也少孤兄弟皆早亡單旣獨立雖宗族無能識者惟叔父旣幼而奇之曰此兒非惟吾門之標秀乃佐時之良器也刺史和演辟為主簿王浚領州轉治中從事忌而不能任石勒克薊城問棗嵩曰幽州人士誰最可者嵩曰燕國劉翰德素長者北平陽裕幹事之才勒曰若如君言王公何以不任嵩曰

王公由不能任所以為明公擒耳勒方欲任之裕乃微服潛遁令支時鮮卑單于段疾陸眷為晉驃騎大將軍遼西公雅好人物虛心延裕裕謂友人成泮曰仲尼喜佛肸之召以匏瓜自喻伊尹亦稱何事非君何使非民聖賢尚如此況吾曹乎眷今吾豈徒然哉泮曰今華夏分崩九州幅裂軌迹所及易水而已欲偃蹇考槃以待通者俟河之清也人壽幾何古人以為白駒之歎少游有云郡掾足以蔭後況國相乎卿追蹤伊孔抑亦知

幾其神也裕乃應之拜郎中令中軍將軍處上卿位歷  
事段氏五主甚見親重其後段遼與皝相攻裕諫曰臣  
聞親仁善鄰國之寶也慕容與國世為婚媾且皝令德  
之主不宜連兵構怨凋殘百姓臣恐禍害之興將由於  
此願兩追前失通好一作欵如初使國家有泰山之安蒼  
生蒙息肩之惠遼不從出為燕郡太守北平相及石虎  
攻遼長驅入薊裕帥其民數千家登燕山以自固諸將  
恐其為後患急欲攻之虎曰裕儒生矜惜名節恥於迎

降耳無能為也遂過之既克令支裕詣軍門降虎讓之

曰卿昔為奴虜走今為士人來豈識知天命將逃遁無

地邪對曰臣昔事王公不能匡濟逃於段氏復不能全

今陛下天網高張羅絡

一作龍絡

四海幽薊豪傑莫不向風

如臣比肩無所獨愧生死之命惟陛下制之虎悅其言

即拜北平太守徵為尚書左丞段遼之請迎於虎也裕

以左丞

一多相字

為征東將軍麻秋司馬秋敗裕為毇軍所

執送之於毇毇素聞裕名命釋其囚拜郎中令遷大將

軍左司馬東破高句驪北滅宇文歸皆預其謀孰甚器

重之及遷都龍城

一作和龍

裕雅有巧思所制城池宮閣皆

裕為之規模裕既仕孰日近寵秩在舊人之右性謙恭

清儉剛簡慈篤雖歷居朝端有若布衣士大夫流亡羈

絕者莫不經營收葬存恤孤遺士無賢不肖皆傾身以

待之是以所在推仰初范陽盧諶每稱之曰吾及晉之

清平歷觀朝士多矣忠清簡毅篤信義烈如陽士倫者

實亦未幾也及死孰甚悼之比葬三臨時年六十一

陽騫

陽騫字士秋右北平無終人也其父耽清直沈敏仕為  
遼西太守慕容翰攻段氏於陽樂破而獲之厖甚敬禮  
用為謀主官至東夷校尉母李氏博學有母儀耽常升  
堂拜之騫少清素好學器識沉遠起家為平州別駕屢  
獻安時強國之策事多聽用厖甚奇之及耽即位遷左  
長史東西征伐叅謀帷幄封建寧公耽臨終謂儁曰陽  
士秋士行高潔忠幹貞固可託大事汝善待之儁將圖



中原驚制勝之功亞於太原王恪暉既嗣立申以師傅之禮親遇日隆及為太尉慨然而歎曰昔常林徐邈先代名臣猶以鼎足任重終辭三事以吾虛薄何德以堪之固求罷職辭甚懇至暉優容不許鶩歷事四朝年耆望重自太原王恪以下皆禮拜之而鶩謙恭謹厚過於少時戒束子孫雖朱紫羅列無敢違犯其法度者性尤儉約好施無倦位為台保爵為郡公常乘敝車瘠牛卒無殫財人士莫不痛惜之謚曰敬其子瑤秦苻堅時王

猛薦為著作佐郎尋歷顯官

封奕

封奕字子專渤海蓆人也其祖釋仕晉東夷校尉遼東附塞鮮卑素喜連等入邊為寇攻掠郡縣釋不能討虜擊斬之遂平遼東會釋疾病奕時尚幼乃以屬之於虜釋卒虜召奕與語悅之曰奇士也補小郡督釋子冀州主簿俊幽州叅軍抽咸來奔喪虜見之曰此家松松千斤健也以道不通喪不得還皆留仕虜虜以抽為長史

俊為參軍未幾復以奕為軍諮祭酒軍國機要悉以委之。既嗣位其弟仁東據平郭以叛遼東郡縣多懷疑貳魼遣奕慰撫之。道路梗塞奕乃引還。因討鮮卑木提於白狼克之段遼入寇柳城守將不能自固奕率眾救之。城垂沒奕整陣力戰賴以得全。遷右司馬尋擊宇文逸豆歸大獲而還。其別部大人皆下之。進鎮軍左長史。遂與諸將佐勸魼稱燕王奕進位相國封武平侯。討平冉閔在相位十五年政務之暇留心講論接引後進如

若不及喜怒不形於色儁即帝位進為太尉領中書監復十餘年遂為定策元勳及暉之世欲徙龍城宗廟社稷及所留百官家屬必得耆德大臣迎之乃遣奕與侍中慕輿龍往迎既至暉親率羣臣謁於道左奕以暉建熙六年卒謚曰匡公

宋該

宋該字宏宣

一作宜宏

平原人也與同郡劉翔杜羣先依王

浚又依段氏皆以為不足托帥諸流寓同歸於麇麇舉

為龍驤主簿轉右長史鹿初為車騎該等以鹿立功一

隅位卑任重等差無別不足以鎮華夷共表請進鹿官

爵朝廷不許

一作朝議未定

會黜嗣立乃譙羣臣於承乾殿以

該性貪故賜布百餘疋令自負而歸重不能勝乃至僵

頓以愧辱之後遷遼東內史得侍郎韓偏賄賂舉為孝

廉黜下令曰夫孝廉者道德沉敏貢之王庭偏往助叛

徒迷固之罪至王威臨討憑城醜詈此則悖

一作勃

逆之

甚者也奈何舉之剖符於朝何所取信該下吏可正四

歲刑偏行財祈進虧亂王典可免官禁錮終身

韓恒一作常

韓恒字景山灌津人也

紀事本末作安平人

父默以學行顯名恒

年十歲能屬文師事同郡張載載奇之曰王佐才也身長八尺一寸博覽經籍無所不通永嘉之亂避地遼東依於崔毖毖既逐毖恒隨俘虜徙於棘城召見與語悅之拜叅軍事咸和中宋該等建議表請毖為大將軍燕王之號毖將許之命羣僚博議咸以為宜如該議恒駁

曰自羣胡乘間人嬰荼毒諸夏蕭條無復綱紀明公忠

武篤敬

一作篤誠

憂勤社稷抗節孤危之中建功萬里之外

終古勤王之義未之有也夫立功者患信義不著不患名位不高故桓文有寧復一匡之功亦不先求禮命以令諸侯今宜繕甲兵候機會除羣兇清四海功成之後九錫自至且要君以求寵爵者非為臣之義也鹿頗不平之出為新昌令及號為鎮軍復叅軍事遷營丘太守政化大行儔為大將軍徵拜諮議叅軍尋加揚烈將軍

僞既僭號將定五行次衆論紛紜恒時疾在龍城乃召  
決之恒未至而羣議以為燕宜承晉為水德既而恒至  
言於僞曰趙有中原非惟人事天所命也天實與之而  
人奪之臣竊謂不可且大燕王迹始自於震於易震為  
青龍受命之初有龍見於都邑城龍為木德幽契之符  
也僞初雖難改後終從恒議秘書監聶熊聞恒言數曰  
不有君子國何以興其韓令君之謂乎後與李產俱傳  
東宮從太子曄入朝僞顧謂左右曰此二傳一代偉人



未易繼也其見重如此

恒初無傳乃見夢於予故遂紀之

### 鮮于亮

鮮于亮范陽人也初仕石虎為別將與麻秋帥眾迎段  
遼太原王恪擊敗之亮失馬步緣山不能進因止端坐  
恪兵環之叱令起亮曰身是貴人義不為小人所屈汝  
曹能殺亟殺不能則去亮儀觀豐偉聲氣壯厲燕兵憚  
之不敢殺乃以白氍毹使人以馬迎之與語大悅拜為  
左常侍以崔慙之女妻之後氍自率大眾征高句驪亮

言於銑曰臣以俘虜蒙王國士之恩不可以不報今日  
是臣死日也願效死前驅遂與數十騎先犯高句驪陣  
所向摧潰雋既嗣立復以亮為前鋒將軍伐趙攻拔薊  
城陷陣先登威名顯著以功遷揚威將軍歷章武齊郡  
二郡太守

高詡

高詡遼東人永嘉之亂避地隱居建武初龐自稱大單  
于詡乃杖策見之曰霸王之資非義不濟今晉室雖微

人心猶附宜遣使江東示有所尊然後仗大義以征諸  
部誰敢不從此霸王之資也龐善之拜為郎中令鮑嗣  
立遷玄菟太守以平征虜仁功封為汝陰侯轉左長史  
詡善天文鮑常謂之曰卿有佳書而不見與何以為忠  
蓋詡曰臣聞人君執要人臣執職執要者逸執職者勞  
是以后稷播種堯不與焉占候天文晨夜甚苦非至尊  
之所宜親殿下將焉用之也鮑默然及謀伐宇文逸豆  
歸詡乃進曰宇文強盛今不取必為國患伐之必克然

不利於將出而告人曰吾往必不返然忠臣不避也將發不見其妻使人語以家事而行逸豆歸果大敗身為流矢所中卒

乙逸

乙逸平原人也仕為東夷護軍慕容仁之叛逸棄城奔還轉玄菟太守僞建留臺於龍都遷尚書專委留務尋遷幽州刺史被徵為左光祿大夫夫婦共載鹿車逸子璋隨從常數十騎服飾甚麗奉迎于道左逸大怒閉車

不與言到城乃深責之璋猶不悛逸常憂其必敗而璋更被擢用頻歷顯位至中書令御史中丞逸乃歎曰吾少自修立克已守道僅能免罪璋不治節儉專為奢縱而更居清要此豈惟璋之幸實時世之陵夷也

### 鞠殷

鞠殷樂浪太守彭之子也彭初守樂浪趙石虎來伐境內多叛應之彭選壯士數百固守棘城城得不沒趙兵既退大加賞賜殷仕偽為尚書左丞太原王恪克廣固

遷殷為東萊太守彭時為大長秋以書戒殷曰王彌曹  
嶷必有子孫汝善招撫勿尋舊怨以長亂源殷推求彌  
從子立嶷孫巖於中山請與相見深結意分彭復遣使  
遺以車馬衣服郡民大安

張鴻

張鴻范陽人也仕銑為黃門郎甚寵愛之鴻頤下忽生  
鬚三根長寸餘銑由是不悅乃遣出宮使看鷺鴨

侯青

侯青武邑人也一云朝那人仕儁將作大匠屯騎校尉  
機巧有算略驍勇善騎射每從征伐先登陷陣儁常擬  
之張飛

韓宰

韓宰昌黎人也仕儁為謁者僕射揚威將軍子昞

一作景

降於魏

張怖

張怖字文祖清河武城人也為燕豫州刺史怖少孤貧

隨母長於舅氏令其牧牛怖幼而好學事母以孝聞每日必於牧牛之暇採樵二束菜二本一以供母一以雇人書畫則折木葉學書夜則以所書者讀之

成公都

成公都晉興元吳人也都驍猛有勇力陽勇之戰

陽勇疑誤

年十八橫矛大呼賊不敢當獨步當時擬之方叔論者咸曰當求之於古造次無其比也

十六國春秋卷三十一